

UNIVERZITET U SARAJEVU - PRAVNI FAKULTET

Broj: 01-645/26
Datum: 24.6. 2026 god.

Komisija za izbor jednog nastavnika_ice u zvanje redovnog_ne profesora_ice na naučnoj oblasti Pravno-ekonomske nauke

prof. dr Kanita Imamović-Čizmić, predsjednica Komisije,

prof. dr Tatjana Jovanić, članica,

prof. dr Jasna Bakšić Muftić, članica

Vijeću Univerziteta u Sarajevu — Pravni fakultet

Predmet: Izvještaj s prijedlogom za izbor u akademsko zvanje redovni_a profesor_ica na naučnoj oblasti Pravno-ekonomske nauke

- a) Podaci o objavljenom konkursu, imenovanju i radu Komisije izbor jednog nastavnika_ice u zvanje redovnog_na profesora_ice na naučnoj oblasti Pravno-ekonomske nauke**

Na osnovu člana 121 u vezi sa članom 176 Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 25/28), članova 233 i 234 Statuta Univerziteta u Sarajevu (2023), broj: 01-14-35-1/23 od 26.07.2023. godine, Odluke Senata Univerziteta u Sarajevu, br. 01-6-31/26 od 25.02.2026. godine, a u skladu sa Odlukom o usvajanju dinamičkog plana potreba Univerziteta u Sarajevu - Pravnog fakulteta za raspisivanjem konkursa za izbor u zvanje u akademskoj 2025/26. godini br. 01-972/25 od 03.09.2025. godine, Univerzitet u Sarajevu - Pravni fakultet je raspisao k o n k u r s za izbor u akademsko zvanje nastavnik_ica u zvanje redovni_a profesor_ica na naučnoj oblasti Pravno-ekonomske nauke, 1 izvršilac, puno radno vrijeme (redni broj 1. Dinamičkog plana potreba za raspisivanje konkursa za izbor u studijskoj 2025/26. godini koji je usvojen Odlukom br. 01-972/25 od 03.09.2025. godine).

Konkurs je objavljen 13.03.2026. godine u dnevnom listu „Dnevni Avaz“ i na službenoj internet stranici Pravnog Fakulteta (www.pfsa.unsa.ba), te službenoj internet stranici Univerziteta u Sarajevu (www.unsa.ba).

Nakon isteka roka za prijave na konkurs, na osnovu člana 123. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 25/28), i člana 236 Statuta broj: 01-14-35-1/23 od 26.07.2023, Vijeće Univerziteta u Sarajevu - Pravnog fakulteta (dalje: Fakultet) je na 108. vanrednoj (elektronskoj) sjednici održanoj 09.04.2026. godine donijelo Odluku o imenovanju Komisije za pripremanje prijedloga za izbor i utvrđivanje adekvatnosti naučne oblasti za jednog nastavnika_ice u zvanje redovnog_e profesora_ice na naučnoj oblasti Pravno-ekonomske nauke, br. 01-549-1/26 od 09.04.2026. godine.

U stavu 1 Odluke o utvrđivanju Komisije za pripremanje prijedloga za izbor i utvrđivanje adekvatnosti naučne oblasti za jednog nastavnika_ice u zvanje redovnog_e profesora_ice na naučnoj oblasti Pravno-ekonomske nauke, br. 01-549-1/26 od 09.04.2026. godine određuje Komisiju za pripremanje prijedloga za izbor jednog nastavnika_ice u zvanje redovnog_e profesora_ice na naučnoj oblasti Pravno-ekonomske nauke (dalje: Komisija) određen je sastav Komisije kako sijedi :

1. prof. dr Kanita Imamović-Čizmić, redovna profesorica na naučnoj oblasti Pravno-ekonomske nauke, Univerzitet u Sarajevu - Pravni fakultet, predsjednica Komisije,
2. prof. dr Tatjana Jovanić, redovna profesorica na naučnoj oblasti ekonomska analiza prava u okviru naučne oblasti pravno-ekonomske nauke, Pravni fakultet Univerziteta u Beogradu, članica,
3. prof. dr Jasna Bakšić Muftić, redovna profesorica na naučnoj oblasti Teorija prava i države, Univerzitet u Sarajevu - Pravni fakultet, članica.

U stavu 2 Odluke o utvrđivanju Komisije za pripremanje prijedloga za izbor i utvrđivanje adekvatnosti naučne oblasti za jednog nastavnika_ice u zvanje redovnog_e profesora_ice na naučnoj oblasti Pravno-ekonomske nauke, br. 01-549-1/26 od 09.04.2026. godine, u skladu sa članom 236 st. 4 Statuta, utvrđena je i adekvatnost naučne oblasti na koju je izabrana prof. dr. Tatjana Jovanić, obzirom da je u akademsko zvanje redovne profesorice izabrana na drugoj visokoškolskoj ustanovi, tačnije na Pravnom fakultetu Univerziteta u Beogradu.

Temeljem člana 124 Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 25/28), čl 236 Statuta (2023.) Komisija ima zadatak da u postupku pripremanja prijedloga za izbor u akademsko zvanje redovnog_e profesora_ice na naučnoj oblasti Pravno-ekonomske nauke, dostavi pisani Izvještaj s prijedlogom Vijeću Fakulteta u roku od 30 dana od imenovanja.

Iz Dekanata Fakulteta je, putem e-maila 14.04.2026. godine, dostavljena Potvrda o prijavama na konkurs za izbor jednog nastavnika_ice u zvanje redovni_a profesor_ica na naučnoj oblasti Pravno - ekonomske nauke broj 01-521-21/26 od 31.03.2026., u kojoj je, u skladu sa odredbom člana 255 Statuta Univerziteta u Sarajevu, broj: 01-14-35-1/23 od 26.07.2023. godine, Sekretar Univerziteta u Sarajevu - Pravnog fakulteta potvrdio da, se istekom roka za prijavljivanje kandidata na konkurs za izbor nastavnika_ice u zvanje redovni/a profesor_ica na naučnoj oblasti Pravno-ekonomske nauke, objavljenog u dnevnom listu „Dnevni Avaz“ dana 13.03.2026. godine i na internet stranicama Univerziteta u Sarajevu - Pravnog fakulteta i Univerziteta u Sarajevu, blagovremeno prijavio_la 1 (jedan) kandidat_kinja.

U skladu sa stavom 1 i stavom 2 člana 256 Statuta, Komisija je 22.04.2026. godine održala konstituirajuću sjednicu na kojoj je usvojila Poslovnik o radu br. 01-629/26 od 22.04.2026. godine te uz prisustvo Sekretara Fakulteta (predstavnik stručne službe Fakulteta) otvorila pristigle prijave.

Na raspisani konkurs pristigla je jedna prijava koju je podnijela dr. Amina Nikolajev, vanredna profesorica na naučnoj oblasti Pravno-ekonomske nauke, na Univerzitetu u Sarajevu – Pravnom fakultetu. Uvidom u prijavu dr. Amine Nikolajev, stručna služba Fakulteta je konstatairala da je kandidatkinja uz svojeručno potpisanu prijavu na konkurs priložila dokumente kako slijedi:

1. Curriculum Vitae i spisak objavljenih knjiga, naučnih radova, naučnih dostignuća i doprinosa, projekata, patenata ili originalnih metoda iz oblasti za koji se vrši izbor (u elektronskoj i štampanoj varijanti);
2. listu objavljenih knjiga, udžbenika i naučnih radova;
3. dokumentaciju o nastavničkim sposobnostima, doprinosu procesu internacionalizacije i društvenom doprinosu;
4. diplome o stečenom obrazovanju (ovjerene fotokopije);

5. Odluku o provedenom jednom izbornom periodu u zvanju vanredni profesor (ovjerena fotokopija);
6. Potvrdu o učešću u međunarodnom projektu od nacionalnog i univerzitetskog značaja pod nazivom “Supporting decision making and building capacity to support IPBES through national ecosystem assessments”;
7. Potvrdu o uspješno obavljenim mentorstvima na II ciklusu studija;
8. Dokaz o supstituciji mentorstva na III ciklusu studija;
9. Uvjerenje o državljanstvu ne starije od 6 mjeseci (ovjerena fotokopija)
10. Izvod iz matične knjige rođenih (ovjerena fotokopija)

U skladu sa odredbom člana 256 st. (2) Statuta izdata je Potvrda o potpunosti (urednosti) prijave dr. Amine Nikolajev na konkurs u zvanje redovnog_e profesora_ice na naučnoj oblasti Pravno-ekonomske nauke, br. 01-632/26 od 22.04.2026. godine, koja je sastavni dio ovog Izvještaja a kojom se konstatira da je podnesena prijava shodno raspisanom konkursu uredna (priloženi svi dokazi o ispunjenosti potrebnih uslova izbor u zvanje redovnog profesora) i vlastoručno potpisana od strane podnositeljice.

b) Podaci o uvjetima za izbor u akademsko zvanje redovni_na profesor_ica propisanim Zakonom o visokom obrazovanju Kantona Sarajevo („Službene novine Kantona Sarajevo“, broj: 36/22 i 25/28) i analiza ispunjenosti uvjeta od strane prijavljene kandidatkinje

Na osnovu odredbe čl. 176 Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 25/28), uvjeti za izbor propisani su temeljem čl. 96 Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), i precizirani Uputama o realizaciji izbora u isto ili više akademsko zvanje na Univerzitetu u Sarajevu u skladu sa uslovima propisanim ranijim Zakonom, broj 01-15-29/23 od 27.09.2023. godine kako slijedi:

1. proveden najmanje jedan izborni period u zvanju vanrednog_e profesora_ice,
2. najmanje osam naučnih radova objavljenih u priznatim publikacijama koje se nalaze u relevantnim naučnim bazama podataka,
3. najmanje dvije objavljene knjige,
4. originalni stručni uspjeh kao što je projekt, patent ili originalni metod,

5. uspješno mentorstvo najmanje po jednog kandidata za stepen drugog, odnosno integrisanog ciklusa studija, i trećeg ciklusa studija.

c) Postupanje Komisije u svrhu utvrđivanja i ocjene postojanja u uvjeta za izbor u akademsko zvanje i podnošenje Izvještaja s prijedlogom sa prijedlogom izbora u akademsko zvanje redovni-a profesorica na naučnoj oblasti Pravno-ekonomske nauke

U okviru svojih nadležnosti Komisija je nakon pregleda pristigle prijave i dostavljenih dokaza utvrdila njihovu ispravnost te stekla uslove da napravi detaljan uvid u karakter dostavljenih dokaza i pripremi prijedlog za izbor nastavnika_ice u zvanje redovni/a profesor_ica na naučnoj oblasti Pravno-ekonomske nauke.

Nakon što je pristupila detaljnom pregledu i analizi prijave, priloženih materijala, dostavljenih radova i ostalih relevantnih dokumenata u skladu propozicijama Konkursa, Komisija Vijeću Univerziteta u Sarajevu - Pravnog fakulteta podnosi sljedeći:

I Z V J E Š T A J

sa prijedlogom izbora u akademsko zvanje redovni_a profesor_ica na naučnoj oblasti Pravno-ekonomske nauke

1. Osnovni biografski podaci

Amina Nikolajev rođena je 26. maja 1974. godine u Sarajevu. Na Pravnom fakultetu Univerziteta u Sarajevu diplomirala je 2002. godine, stekavši zvanje diplomirane pravnice.

Njen profesionalni i akademski angažman kontinuirano je vezan za Univerzitet u Sarajevu- Pravni fakultet, gdje je kroz više uzastopnih akademskih zvanja dala značajan doprinos razvoju i unapređenju nastavnog i naučnoistraživačkog rada u oblasti pravno-ekonomskih nauka. U martu 2003. godine izabrana je u zvanje asistentice na predmetu Uvod u ekonomiju, gdje je učestvovala u izvođenju vježbi i pružanju podrške nastavnom procesu.

Naučno zvanje magistre ekonomskih nauka stekla je 2009. godine na Ekonomskom fakultetu Univerziteta u Sarajevu, završivši postdiplomski studij iz oblasti ekonomije, smjer Međunarodna ekonomija. Magistarski rad pod naslovom „Humani razvoj i njegova perspektiva

u Bosni i Hercegovini“ odbranila je 1. decembra 2009. godine. U zvanje više asistentice na obaveznim i izbornim predmetima iz pravno-ekonomske naučne oblasti izabrana je 2010. godine, pri čemu je učestvovala u realizaciji nastavnih aktivnosti na više predmeta, uz aktivno uključivanje u pripremu i unapređenje nastavnih materijala.

Na Pravnom fakultetu Univerziteta u Sarajevu 5. maja 2015. godine odbranila je doktorsku disertaciju pod naslovom „Međuvjetovanost ekonomije i pravne regulacije u konceptu ekonomske analize prava“, čime je stekla naučni stepen doktora pravnih nauka. U zvanje docentice na naučnoj oblasti pravno-ekonomskih nauka izabrana je 30. septembra 2015. godine, nastavljajući svoj akademski razvoj kroz izvođenje nastave i unapređenje nastavnih sadržaja.

Od 24. juna 2020. godine izabrana je u zvanje vanredne profesorice na naučnoj oblasti pravno-ekonomskih nauka na Pravnom fakultetu Univerziteta u Sarajevu, gdje aktivno učestvuje u realizaciji nastavnog procesa, mentorstvu studenata i naučnoistraživačkom radu.

Prije univerzitetskog angažmana stekla je značajno iskustvo u oblasti projektne koordinacije i humanitarnog rada kroz djelovanje u međunarodnim i domaćim organizacijama. Istovremeno se kontinuirano profesionalno usavršavala kroz aktivno učešće i predavački angažman na međunarodnim konferencijama, seminarima i studijskim programima, naročito onima organiziranim od strane Vijeća Evrope.

2. Proveden najmanje jedan izborni period u zvanju vanrednog_e profesora_ice

Odlukom Senata Univerziteta u Sarajevu broj 01-14-13720 od 24. juna 2020. godine dr. Amina Nikolajev izabrana je u zvanje vanredne profesorice za oblast Pravno-ekonomskih nauka na Pravnom fakultetu Univerziteta u Sarajevu, na Katedri pravno-ekonomskih nauka, na period od šest godina.

Zaključak – Kandidatkinja Dr. Amina Nikolajev ispunjava uvjet vezan za proveden najmanje jedan izborni period u zvanju vanredne profesorice, u smislu člana 96 Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), s obzirom da se procedura izbora člana akademskog osoblja u isto ili više zvanje, prema čl. 121 stav 2 Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 25/28), u skladu s dinamičkim planom potreba, pokreće

najkasnije četiri, odnosno najranije šest mjeseci prije isteka izbornog perioda postojećeg člana akademskog osoblja.

3. Naučno-istraživački i stručni rad kandidatkinje (objavljene knjige, naučni i stručni radovi)

3.1. Objavljene knjige, naučni i stručni radovi prije izbora u zvanje vanredne profesorice

a) Knjige

1. Nikolajev, A. (2020). Uvod u ekonomsku analizu prava s teorijskim konceptima i ekonomskim principima u pravu. Pravni fakultet Univerziteta u Sarajevu. Sarajevo.

b) Naučni i stručni radovi

1. Imamović-Čizmić, K. i Nikolajev, A. (2019). Primjena osnovnih ekonomskih principa u krivičnom pravu – primjer sporazuma o priznanju krivnje, Godišnjak Pravnog fakulteta u Sarajevu, LXII – 2019., 651–664. <https://www.pfsa.unsa.ba/pf/wp-content/uploads/2020/01/Godisnjak-PFSA-2019-za-web1.pdf>
2. Imamović-Čizmić, K. i Nikolajev, A. (2018). Ključni aspekti ekonomskih modela kriminala. Pregled: časopis Za društvena Pitanja / Periodical for Social Issues, 2(2), 1–13. <https://www.pregled.unsa.ba/index.php/pregled/article/view/243>
3. Imamović-Čizmić, K. i Nikolajev, A. (2017). Ekonomski instituti u krivičnom pravu. Godišnjak Pravnog fakulteta u Sarajevu, LX - 2017., 371-386. <https://www.pfsa.unsa.ba/pf/wp-content/uploads/2014/08/Godisnjak-Pravnog-fakulteta-u-Sarajevu-2017.pdf>
4. Nikolajev, A. (2017). Pravo na razvoj i očuvanje okoliša. Godišnjak Pravnog fakulteta u Sarajevu, LX - 2017., 339-352. <https://www.pfsa.unsa.ba/pf/wp-content/uploads/2014/08/Godisnjak-Pravnog-fakulteta-u-Sarajevu-2017.pdf>
5. Nikolajev, A. (2016). Unaprjeđenje upravljanja okolišem kao osnova održivog razvoja. Godišnjak Pravnog fakulteta u Sarajevu, LIX - 2016., 279-296. <https://www.pfsa.unsa.ba/pf/wp-content/uploads/2017/01/Godisnjak2016.pdf>
6. Nikolajev, A. (2016). Obrazovanje kao faktor održivosti razvoja – slučaj Bosne i Hercegovine, Innternational scientific conference - ERAZ 2016. Zbornik radova.

Association of Economists and Managers of the Balkans - UdEkoM Balkan [etc.] 190-202.
https://bib.irb.hr/datoteka/883258.zbornik_radova_eras_2016.pdf

7. Nikolajev, A. (2015). Coaseova teorema i njene praktične implikacije. Godišnjak Pravnog fakulteta u Sarajevu, LVIII – 2015., 195-211. <https://www.pfsa.unsa.ba/pf/wp-content/uploads/2014/08/2015-godisnjak-PFSA.pdf>

3.2. Objavljene knjige, naučni i stručni radovi poslije izbora u zvanje vanredne profesorice

Knjiga, naučni i stručni radovi objavljeni do 2020. godine vrednovani su prilikom izbora kandidatkinje u zvanje vanredne profesorice, Komisija je, uz kratki komentar i ocjenu, u kontekstu analize ispunjenosti uvjeta čl. 96 Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), preciziranih Uputama o realizaciji izbora u isto ili više akademsko zvanje na Univerzitetu u Sarajevu u skladu sa uslovima propisanim ranijim Zakonom, broj 01-15-29/23 od 27.09.2023. analizirala i predstavila radove kandidatkinje koji su objavljeni nakon izbora u zvanje vanredne profesorice.

a) Knjige

Kandidatkinja je dostavila dvije objavljene knjige (štampana verzija) koje su predmet ocjene od strane Komisije:

1. **Nikolajev, A., Balić, L., i Izmirlija, M. (2026). Pravo na razvoj, obrazovanje i zdrav okoliš: teorija, normativni okvir i savremeni izazovi. Udruženje „Pravnik“. Sarajevo.**

Pravo na razvoj ubraja se među najsloženije i najkontroverznije koncepte savremenog međunarodnog prava ljudskih prava, budući da obuhvata istovremeno individualnu i kolektivnu dimenziju, normativne i političke aspekte, kao i nacionalne i međunarodne obaveze. Njegovo adekvatno razumijevanje podrazumijeva prevazilaženje usko ekonomskog pristupa razvoju i usmjerenje ka njegovom sveobuhvatnom sagledavanju, koje uključuje ekonomske, socijalne, kulturne i političke dimenzije ljudske egzistencije.

U tom kontekstu knjiga predstavlja interdisciplinarni naučni rad usmjeren na analizu odnosa između ključnih ljudskih prava, s posebnim fokusom na pravo na razvoj, pravo na obrazovanje i pravo na zdrav okoliš, te njihovih normativnih, društvenih i razvojnih implikacija u

savremenom pravnom poretku. Autori su nastojali navedena prava sagledati višedimenzionalno, kroz njihovu pojedinačnu normativnu strukturu, ali i kroz njihovu funkcionalnu međuzavisnost, polazeći od pretpostavke da čine integralne komponente koncepta održivog, inkluzivnog i pravednog razvoja.

Strukturalno, rukopis je organiziran u tri tematske cjeline. U prvom dijelu autori analiziraju pojam i pravnu prirodu prava na razvoj, njegov normativni i teorijski okvir, temeljne principe na kojima počiva, kao i institucionalne mehanizme i savremene izazove u njegovom ostvarivanju u međunarodnom pravnom poretku. Poseban doprinos ogleda se u ukazivanju na potrebu prevazilaženja formalnog pristupa ovom pravu, naglašavajući značaj političke volje, institucionalnih reformi i jačanja međunarodne solidarnosti za njegovo efektivno ostvarenje u praksi.

Drugi dio rada posvećen je pravu na obrazovanje. Polazeći od njegovog historijskog razvoja i normativnog utemeljenja u međunarodnim dokumentima, u ovom poglavlju razmatraju se njegov sadržaj, obim i osnovne komponente, uz poseban fokus na principe dostupnosti, jednakosti i nediskriminacije, kao i na izazove njegove primjene u savremenim društvenim i kriznim okolnostima. Ovo pravo analizira se kao temeljno ljudsko pravo, ali i kao osnažujući mehanizam koji pojedincima omogućava aktivno učešće u društvenim procesima. U tom smislu, obrazovanje se konceptualizira kao ključni instrument za ostvarivanje drugih prava i sloboda, čime se potvrđuje njegova centralna uloga u savremenim društvima. Pravo na obrazovanje zauzima značajno mjesto u sistemu ljudskih prava kao samostalno pravo, ali i kao važno sredstvo za realizaciju šireg spektra ljudskih prava. Kao osnažujuće pravo, ono omogućava stjecanje znanja, vještina i kompetencija neophodnih za autonomno djelovanje, društvenu participaciju i puno ostvarivanje ljudskog dostojanstva.

U trećem dijelu razmatra se pravo na zdrav okoliš kao neophodna pretpostavka zaštite ljudskog dostojanstva, socijalne uključenosti i održivog razvoja. Doprinos autora posebno dolazi do izražaja u naglašavanju međusobne povezanosti prava na razvoj i prava na zdrav okoliš, ukazujući na njihovu zajedničku funkciju u uspostavljanju pravednog i održivog društvenog poretka. Pravo na zdrav okoliš u savremenom međunarodnom pravu sve se jasnije afirmira kao integralni element zaštite ljudskog dostojanstva, kvaliteta života i održivog razvoja. Njegova evolucija, od programskog načela ka sve preciznije definiranom ljudskom pravu, odražava rastuću svijest o međusobnoj povezanosti zaštite okoliša, ekonomskog razvoja i ostvarivanja

drugih ljudskih prava. U ovom poglavlju analizira se normativno utemeljenje i sadržaj prava na zdrav okoliš, njegov odnos s pravom na razvoj, kao i relevantni međunarodni dokumenti i institucionalni mehanizmi. Posebna pažnja posvećena je savremenim izazovima njegove implementacije, uključujući utjecaj klimatskih promjena koje značajno oblikuju njegovu primjenu u savremenom globalnom kontekstu.

Knjiga predstavlja značajan naučni doprinos u oblasti izučavanja odnosa između ljudskih prava i razvoja, te ukazuje na integrativni pristup kojim se ističe međuzavisnost analiziranih prava, uz argumentaciju da njihova djelotvorna realizacija zahtijeva usklađeno i paralelno djelovanje normativnih i institucionalnih mehanizama. Time autori doprinose boljem razumijevanju savremenih međunarodnih standarda, razvojnih politika i globalnih izazova u oblasti ljudskih prava.

2. Imamović-Čizmić, K., Nikolajev, A. i Ramić, L. (2022). Osnove prava privrednog sistema Evropske unije sa odabranim politikama. „Perfecta“. Sarajevo.

Iako je u savremenoj naučnoj i stručnoj literaturi prisutan značajan broj udžbenika, knjiga i monografija koje se bave različitim aspektima djelovanja Evropske unije, knjiga „Osnove prava privrednog sistema Evropske unije sa odabranim politikama“ izdvaja se specifičnim i metodološki promišljenim pristupom proučavanju regulatornog okvira Evropske unije i pratećih politika. Autorice fokus analize usmjeravaju na regulatorne aktivnosti institucija Evropske unije, kroz koje se ne samo uspostavlja privredni sistem, već i oblikuje širi društveno-ekonomski ambijent relevantan za poslovanje privrednih subjekata na jedinstvenom evropskom tržištu.

Autorice su izvršile pažljiv odabir politika koje obrađuju, obuhvatajući kako temeljne oblasti poput politike jedinstvenog tržišta i zaštite konkurencije, zajedničke agrarne i energetske politike, tako i savremene i izrazito aktuelne segmente, uključujući okolišnu i kohezijsku politiku, te socijalne politike i tržište rada. Kroz sve obrađene tematske cjeline prisutan je i kritički osvrt na efikasnost postojećih regulatornih rješenja, uz istovremeno ukazivanje na otvorena pitanja i izazove u njihovoj implementaciji.

Dodatni kvalitet rukopisa ogleda se u analizi razvojnih perspektiva politika Evropske unije u kontekstu savremenih kriza, poput procesa istupanja Ujedinjenog Kraljevstva iz Evropske unije (Brexit) i globalne pandemije, čime se čitateljima omogućava razumijevanje

dinamičnosti i adaptivnosti unijskog pravnog i ekonomskog sistema. Posebno je značajno i to što autorice razmatraju odnos Bosne i Hercegovine i Evropske unije, ukazujući na izazove u procesu evropskih integracija, kao i na poduzete mjere u pravcu ispunjavanja postavljenih kriterija za pristupanje EU.

Strukturalno, rukopis je jasno koncipiran u dvije tematske cjeline. Prvi dio posvećen je osnovama prava privrednog sistema Evropske unije, obuhvatajući pitanja nastanka i razvoja Evropske unije, monetarne unije, savremenih integracijskih izazova, institucionalnog okvira, regulatornih aktivnosti, poreske harmonizacije, kao i budžeta i fondova Evropske unije. Drugi dio fokusiran je na analizu odabranih politika Evropske unije, koje se razmatraju u kontekstu njihove regulatorne funkcije i utjecaja na ekonomske i društvene tokove.

Doprinos autorica ogleda se u koncipiranju rukopisa u skladu sa savremenim akademskim standardima, uz jasno definirane ciljeve usmjerene na razvoj analitičkih i kritičkih sposobnosti čitalaca, posebno studenata različitih ciklusa studija. Korištenjem relevantnih i aktuelnih izvora, preciznim formuliranjem ishoda učenja, te primjenom didaktičkog pristupa koji olakšava razumijevanje složenih tema, autorice su značajno unaprijedile njegovu naučnu i pedagošku vrijednost. Njihov doprinos posebno se ogleda u sistematičnom i sveobuhvatnom pristupu kompleksnoj materiji, kao i u osiguravanju aktuelnosti i primjenjivosti sadržaja. Na taj način rukopis zadovoljava propisane naučne, stručne i pedagoške standarde, te predstavlja relevantan izvor kako za akademsku zajednicu, tako i za širu stručnu javnost.

Zaključak - Kandidatkinja je od izbora u vanrednu profesoricu objavila dvije knjige te ispunjava uvjet vezan za minimalno objavljene dvije knjige u smislu člana 96 Zakona o visokom obrazovanju Kantona Sarajevo („Službene novine Kantona Sarajevo“, broj: 33/17).

b) Naučni i stručni radovi

Kandidatkinja je dostavila 11 objavljenih radova, te dijelove objavljene publikacije, a koji će biti predmetom ocjene od strane Komisije:

- 1. Nikolajev, A. i Izmirlija, M. (2025.) Zaštita okoliša i ljudska prava u Bosni i Hercegovini: normativni okvir i izazovi harmonizacije s EU standardima. Sui generis: Naučno-stručni časopis o Evropskim Integracijama, broj 12. Direkcija za evropske**

Rad analizira neraskidivu povezanost ljudskih prava i zaštite okoliša, s posebnim fokusom na usklađenost pravnog okvira Bosne i Hercegovine s pravnom stečevinom Evropske unije. U tom smislu razmatraju se relevantni međunarodni i evropski instrumenti, kao i postojeći normativni i institucionalni okvir u BiH, uz identifikaciju ključnih izazova u njihovoj primjeni. Imajući u vidu da je Bosna i Hercegovina u procesu evropskih integracija preuzela obavezu usklađivanja sa *acquis*-em, naročito u okviru poglavlja 23 i 27, te da izvještaji Evropske komisije ukazuju da je napredak i dalje ograničen, autori ukazuju na to da ispunjavanje evropskih standarda ne predstavlja samo pravnu obavezu, već i razvojni izazov koji je uvjet za izgradnju održivog i demokratskog društva. Posebnu pažnju autori su posvetili Aarhuskoj konvenciji, koja kroz pravo na pristup informacijama, učešće javnosti u odlučivanju i pristup pravdi predstavlja temelj koncepta „ekološke demokratije“ i direktno povezuje zaštitu okoliša s ostvarivanjem osnovnih ljudskih prava. Metodološki, rad se zasniva na komparativnoj analizi zakonodavstva EU i BiH, izvještaja relevantnih institucija i sudske prakse, čime se omogućava uvid u stepen harmonizacije, postojeće pravne praznine i pravce daljeg unapređenja zaštite prava na zdrav okoliš.

2. **Nikolajev, A. i Dučić, E. (2025.) Efikasnost ekonomskih instrumenata zaštite okoliša u svjetlu rimske pravne tradicije i ekonomske analize prava. Godišnjak Pravnog fakulteta u Sarajevu, LXVIII, 49–70. [Godisnjak-PFSA-2025-05-01-2026.pdf](#), izvorni naučni rad**

Autorice se u radu bave analizom koncepta zaštite zajedničkih dobara u rimskoj pravnoj tradiciji i njegovog značaja za savremene pravne poretke, s posebnim naglaskom na razvoj i efikasnost ekonomskih instrumenata okolinske politike. U tom kontekstu razmatra se institut *res communes omnium* te regulacija imisija kroz susjedovsko pravo. Drugi dio rada usmjeren je na ekonomske instrumente zaštite okoliša, uključujući ekološke poreze, naknade za zagađenje, tržišta emisijskih dozvola i subvencije. Analizira se njihov normativni okvir, kao i praktični efekti u smislu internalizacije eksternalija i usmjeravanja ponašanja ekonomskih subjekata ka održivijim praksama. Njihova efikasnost sagledava se kroz prizmu ekonomske analize prava, uz oslonac na Coaseovu teoremu i Kaldor-Hicksovo

mjerilo, što omogućava sistemsko vrednovanje društvenih koristi i troškova. Rad pokazuje da savremeni instrumenti okolinske politike, iako razvijeni unutar modernog regulatornog i ekonomskog okvira, svoje teorijsko utemeljenje i legitimaciju u značajnoj mjeri duguju rimskoj pravnoj tradiciji, koja je uspostavila osnovne principe odgovornog i racionalnog korištenja resursa te time omogućila razvoj savremenih politika održivog upravljanja zajedničkim dobrima.

3. **Nikolajev, A. (2024.) Ekonomski instrumenti politike zaštite okoliša. Godišnjak Pravnog fakulteta u Sarajevu, LXVII, 9–27. <https://www.pfsa.unsa.ba/pf/wp-content/uploads/2025/01/Godisnjak-PFSA-2024-28-01-2025-za-web.pdf>, izvorni naučni rad**

Imajući u vidu da je pitanje stanja okoliša sve više u središtu pažnje donositelja odluka, što je dovelo do potrebe za oblikovanjem efikasnije politike zaštite okoliša i pronalaženjem adekvatnih rješenja za njegovo očuvanje, rad daje pregled osnovnih instrumenata politike zaštite okoliša. S obzirom da se, u skladu s konceptom održivog razvoja, politika zaštite okoliša usmjerava na sprječavanje i kontrolu zagađenja te unapređenje kvalitete okoliša, autorica u radu predstavlja ekološke poreze, naknade za zagađenje, subvencije, ekološke depozite, sistem trgovanja emisijama i ekološko osiguranje. Rad ukazuje na činjenicu da sistemsko upravljanje okolišem ne podrazumijeva samo uspostavu pravnog i regulatornog okvira, već i da razvoj različitih mjera i instrumenata omogućava njegovu dosljednu primjenu, odnosno ima specifičnu ulogu u usmjeravanju ponašanja privrednih subjekata prema održivijim praksama i ostvarivanju okolišnih ciljeva.

4. **Nikolajev, A. (2024.) 25 years since the Aarhus Convention - challenges for Bosnia and Herzegovina. Monograph 25 years of the Aarhus Convention in South Eastern Europe. University of Belgrade Faculty of Law - Center for publishing and information OSCE Mission to Serbia, 45-57. <https://www.osce.org/files/f/documents/c/f/585902.pdf>**

Rad analizira implementaciju Aarhuske konvencije u Bosni i Hercegovini u kontekstu razvoja ekološke demokratije i jačanja međunarodnog pravnog okvira zaštite okoliša. ispitujući u kojoj mjeri je Bosna i Hercegovina, nakon pristupanja 2008. godine, ostvarila napredak u njenoj primjeni. Poseban fokus stavljen je na složenost ustavno-administrativnog uređenja države, nedovoljno razvijenu participativnu demokratiju te još

uvijek ograničenu ekološku svijest, kao faktore koji utiču na efikasnost implementacije. Autorica u radu dodatno razmatra i širi društveno-ekonomski kontekst u kojem se zaštita okoliša nalazi pod pritiskom razvojnih i ekonomskih prioriteta. Analiza pokazuje da su, uprkos određenim pomacima, rezultati implementacije Konvencije i dalje ograničeni, te da ključni izazovi proizlaze iz nedostatka političke volje, institucionalne fragmentiranosti i nedovoljnog uključivanja javnosti. Zaključno autorica ističe da puna primjena Aarhuske konvencije zahtijeva jačanje transparentnosti, odgovornosti i učešća građana, kao i kontinuirano unapređenje saradnje između institucija, civilnog društva i međunarodnih aktera, s ciljem efikasnije zaštite okoliša i ostvarivanja prava na zdrav životni prostor.

5. Imamović - Čizmić, K. i Nikolajev, A. (2024.) **Certain aspects of bid rigging in Bosnia and Herzegovina. EU and comparative law issues and challenges series (ECLIC) Vol. 8 (2024): Special Issue - Possibilities And Limits Of Competition Law: Global Trends, Regional Perspective, 87-109. <https://ojs.srce.hr/eclic/article/view/35831/17498>, izvorni naučni rad**

Rad se bavi analizom sistema javnih nabavki u Bosni i Hercegovini, s posebnim fokusom na njegovu efikasnost i usklađenost s pravnom stečevinom Evropske unije. Polazi se od činjenice da je donošenjem Zakona o javnim nabavkama iz 2014. godine uspostavljen jedinstveniji i moderniji okvir u odnosu na ranije stanje, kada je sistem bio fragmentiran na četiri nivoa vlasti i time znatno složeniji za primjenu i nadzor. U radu autorice ističu značaj principa fer i aktivne konkurencije, koji povezuje oblast javnih nabavki s propisima o zaštiti tržišne konkurencije i nadležnostima Konkurencijskog vijeća Bosne i Hercegovine. Poseban dio rada posvećen je fenomenu namještanja ponuda (*bid-rigging*) u postupcima javnih nabavki, kao jednom od najtežih oblika narušavanja konkurencije. Ispituje se u kojoj mjeri su ugovorni organi u praksi identificirali obrasce ponašanja koji mogu ukazivati na kartelske dogovore među ponuđačima. Metodološki, rad obuhvata teorijski okvir, analizu pravnog i institucionalnog sistema javnih nabavki i zaštite konkurencije, te empirijske nalaze istraživanja. Na osnovu dobijenih rezultata, formuliране su preporuke za unapređenje sistema javnih nabavki u Bosni i Hercegovini, s ciljem jačanja transparentnosti, konkurentnosti i smanjenja prostora za zloupotrebe.

6. **Nikolajev, A. (2023). Sistem trgovanja emisijama stakleničkih plinova u Evropskoj uniji - izazov za Bosnu i Hercegovinu. Sui generis: Naučno-stručni časopis o Evropskim Integracijama, broj 10. Direkcija za evropske integracije Vijeća ministara BiH, 77-98. https://www.dei.gov.ba/uploads/documents/sui-generis-10-elektronska-verzija-18-01-2024-web_1705916575.pdf, stručni rad**

Borba protiv klimatskih promjena i smanjenje njihovih negativnih utjecaja i posljedica jedan je od ključnih savremenih globalnih izazova. U radu autorica polazi od činjenice da klimatske promjene predstavljaju jedan od najsloženijih problema današnjice, koji zahtijeva koordinirane i dugoročne politike na međunarodnom nivou. U tom kontekstu ističe se snažna globalna opredijeljenost za jačanje otpornosti društava i ekonomija na klimatske rizike, pri čemu Evropska unija zauzima vodeću ulogu kroz razvoj sveobuhvatnog zakonodavnog i strateškog okvira usmjerenog ka postizanju klimatske neutralnosti do 2050. godine. Autorica u radu posebno analizira Sistem trgovanja emisijama Evropske unije (EU ETS) kao jedan od najvažnijih ekonomskih instrumenata za smanjenje emisija stakleničkih gasova i kontrolu zagađenja. Prikazuje se njegova osnovna ideja, razvojne faze i uloga u tranziciji ka niskougljičnoj ekonomiji, uz naglasak na princip „zagađivač plaća“ i tržišne mehanizme koji podstiču smanjenje emisija. U kontekstu Bosne i Hercegovine, autorica u radu naglašava stratešku važnost pravovremenog usklađivanja sa evropskim klimatskim politikama i instrumentima. Priključenje ovim trendovima ne predstavlja samo obavezu u procesu pristupanja Evropskoj uniji, već i ključni korak ka jačanju institucionalnih kapaciteta, unapređenju okolišne politike i dugoročnoj održivosti razvoja zemlje.

7. **Nikolajev, A. (2023). Poglavlje 27 i Bosna i Hercegovina. Pravna misao - Časopis za pravnu teoriju i praksu, broj 7–8/2023. Bosna i Hercegovina, Federacija Bosne i Hercegovine, Federalno ministarstvo pravde, Zavod za javnu upravu, 118-145. <https://www.fmp.gov.ba/bs/id-2023-930.html>, prethodno saopćenje**

Polazeći od činjenice da je Bosna i Hercegovina, u okviru procesa evropskih integracija, obavezna da kontinuirano prilagođava svoje zakonodavstvo *acquis*-u EU, što podrazumijeva sveobuhvatne reformske procese u okviru 35 pregovaračkih poglavlja, fokus rada usmjeren je na Poglavlje 27. Ovo poglavlje, koje obuhvata oblast okoliša i klimatskih promjena predstavlja jedno od najsloženijih oblasti, s obzirom na njegovu

horizontalnu povezanost s brojnim sektorima i značaj za održivi razvoj. Autorica u radu najprije analizira širi okvir odnosa između Bosne i Hercegovine i Evropske unije, uključujući ključne faze evropskog puta zemlje i sticanje kandidatskog statusa. Poseban dio posvećen je institucionalnim i pravnim izazovima u oblasti zaštite okoliša, pri čemu se ističe složen administrativni ustroj države i podijeljene nadležnosti između različitih nivoa vlasti, što značajno otežava usklađivanje i primjenu jedinstvenih standarda. Oslanjajući se na Izvještaj Evropske komisije za 2022. godinu, rad daje pregled ostvarenog napretka Bosne i Hercegovine u okviru Poglavlja 27, uz ukazivanje na ograničenja i nedostatke u implementaciji okolišnog *acquis*-a. Zaključno, autorica naglašava da je proces usklađivanja i dalje neujednačen te da zahtijeva jačanje institucionalnih kapaciteta, bolje koordinacije i dosljedniju primjenu evropskih standarda u oblasti okoliša i klimatskih promjena.

8. Vranić Duman, DŽ. i Nikolajev, A. (2023). Očuvanje okoliša kao preduvjet realizacije principa najbolji interes djeteta. Zbornik radova „Pravo između stvaranja i tumačenja“, Tom IV, Pravni fakultet Univerziteta u Istočnom Sarajevu, 301 – 314. [Tom 4.pdf \(ues.rs.ba\)](https://www.ues.rs.ba/ues.rs.ba), pregledni naučni rad

U uvjetima sve izraženijih klimatskih promjena, zaštita okoliša nameće se kao važan segment razvojne i ekonomske politike. Neodgovorno korištenje prirodnih resursa dovodi do narušavanja ekološke ravnoteže, zbog čega se okoliš sve više posmatra kao ekonomski resurs i prirodni kapital čije očuvanje direktno utiče na dugoročnu stabilnost i održivost ekonomskog razvoja, ali i poboljšanje blagostanja i ostvarenja zajedničkih društvenih vrijednosti. Ovakav pristup potvrđen je i u međunarodnim okvirima, posebno kroz Stockholmsku deklaraciju, koja naglašava pravo na život u zdravoj životnoj sredini, ali i odgovornost za njeno očuvanje. Zasnovano na navedenom, autorice u radu posebno ističu da degradacija okoliša, klimatske promjene te izloženost djece zagađenju i toksičnim supstancama imaju direktan utjecaj na njihova prava, zdravlje i razvoj. U tom kontekstu naglašava se potreba za osiguranjem zdravog okruženja od kojeg zavisi razvoj i buduća produktivna sposobnost, naročito djece, a čime se ne dovodi upitanje ostvarenje principa najboljeg interesa djeteta.

9. Nikolajev, A. (2022). Održivost i zeleno bankarstvo. Godišnjak Pravnog fakulteta u Sarajevu, LXV, 133–154. <https://www.pfsa.unsa.ba/pf/wp->

Težnja ka višem nivou ekonomskog razvoja i unapređenju životnog standarda, koja je zahtijevala rast proizvodnje i potrošnje, dovela je do intenziviranja ekonomskih aktivnosti, ali i do povećanog korištenja prirodnih resursa. Kao posljedica takvih razvojnih tendencija, koje su imale i negativne efekte, pitanja zaštite okoliša i dugoročne održivosti zauzimaju sve značajnije mjesto u savremenim ekonomskim i političkim politikama. Kao odgovor na negativne efekte ekonomskog rasta razvijen je koncept održivog razvoja, koji se zasniva na uravnoteženoj povezanosti ekonomske, ekološke i društvene dimenzije. Njegova primjena uključuje djelovanje različitih aktera, uključujući pojedince, poslovni sektor, države i međunarodne organizacije. U okviru poslovne zajednice posebno se razvija koncept zelenog bankarstva, koji naglašava ulogu finansijskog sektora u usmjeravanju ekonomskih tokova prema održivim i ekološki odgovornim praksama. U tom smislu, autorica u radu predstavlja osnovne pojmove i karakteristike zelenog bankarstva, te analizira njegov doprinos ostvarivanju ciljeva održivosti, uz kratak osvrt na koncept održivog razvoja kao njegovu teorijsku osnovu.

- 10. Nikolajev, A. (2021). Pravo i ekonomija – interdisciplinarni pristup. Godišnjak Pravnog fakulteta u Sarajevu, LXIV – posebni broj, 233–247. <https://www.pfsa.unsa.ba/pf/wp-content/uploads/2022/10/Godisnjak-PFSA-2021-posebni-broj1.pdf>, pregledni naučni rad**

S obzirom na činjenicu da savremeni društveni i pravni izazovi zahtijevaju dublje razumijevanje različitih dimenzija prava te razvoj specijaliziranih disciplina, što utiče na promjenu koncepcije obrazovanja pravnika, autorica u radu preispituje odnos prava i ekonomije kao dvije međusobno povezane naučne discipline. Naglašava da interdisciplinarnost pravnog studija postaje logičan pravac razvoja, s ciljem očuvanja univerzalne primjenjivosti pravničke profesije kroz kombinaciju pravnih, ekonomskih i drugih relevantnih znanja i vještina. U radu se problematizira promjena pristupa u odnosu na raniji period, kada su se na Pravnom fakultetu Univerziteta u Sarajevu izučavali zasebni predmeti poput Političke ekonomije i Ekonomske politike, koji danas čine dio šire pravno-ekonomske naučne oblasti. Poseban doprinos rada ogleda se u retrospektivnom prikazu izučavanja ekonomskih predmeta na Pravnom fakultetu, kao i u analizi razvoja pravno-

ekonomske naučne oblasti, uz istovremeno otvaranje pitanja njenog daljeg unapređenja u obrazovanju budućih pravnika. Ova pitanja posebno dolaze do izražaja u kontekstu dinamičnih globalnih promjena i uvođenja bolonjskog sistema, koji su uvjetovali kontinuirano prilagođavanje nastavnih planova i programa savremenim obrazovnim potrebama.

11. Imamović-Čizmić, K. i Nikolajev, A. (2021). **Ekonomske aspekte sporazuma o priznanju krivnje—perspektiva tužitelja u Federaciji Bosne i Hercegovine. Policijska i sigurnost** 30 (1/2021), 30-43. <https://hrcak.srce.hr/file/372729>, izvorni naučni rad,

Autorice se u radu bave analizom ekonomskih aspekata sporazuma o priznanju krivnje, s posebnim fokusom na perspektivu tužitelja u Federaciji Bosne i Hercegovine. Uvođenje ovog instituta posmatra se u kontekstu sveobuhvatne reforme krivičnog postupka, koja je imala za cilj ne samo redefiniranje uloge procesnih aktera, već i povećanje efikasnosti postupka te unapređenje ostvarivanja principa pravičnosti. Polazeći od teorijskog okvira ekonomske analize prava, uključujući Landesov model, autorice istražuju u kojoj mjeri tužitelji u praksi postupaju u skladu s principima racionalnosti i efikasnosti prilikom odlučivanja o primjeni sporazuma o priznanju krivnje. Poseban naglasak stavljen je na ispitivanje njihovog pregovaračkog ponašanja, odnosno na odnos između ekonomskih kriterija i zahtjeva pravičnosti. U tu svrhu provedeno je empirijsko istraživanje putem *online* ankete među kantonalnim tužilaštvima u Federaciji BiH, kako bi se utvrdilo da li i u kojoj mjeri ekonomski principi utiču na donošenje odluka tužitelja u vezi s korištenjem ovog instituta.

12. Grupa autora (2024). Publikacija u okviru projekta Projekta *Procjena stanja prirode i upravljanja prirodnim resursima Bosne i Hercegovine*, Federalno ministarstvo okoliša i turizma, Univerzitet u Sarajevu i Centar za ekologiju i prirodne resurse „Akademik Suejman Redžić“, dostupna na [Procjena stanja prirode i upravljanja prirodnim resursima u Bosni i Hercegovini | Univerzitetska izdanja u otvorenom pristupu \(unsa.ba\)](#),

Poglavlje 2 <https://ebooks.unsa.ba/index.php/ebooks/catalog/view/60/61/78>. 155-157;
Poglavlje 4 <https://ebooks.unsa.ba/index.php/ebooks/catalog/view/60/63/80>. 512-517;
Poglavlje 6 <https://ebooks.unsa.ba/index.php/ebooks/catalog/view/60/66/87>. 608-625,

U periodu od 17.10.2019. do 31.12.2023. godine implementiran je međunarodni projekt *Supporting Decision Making and Building Capacity to Support IPBES through National Ecosystem Assessments*, koji je rezultirao izdavanjem monografije *Procjena stanja prirode i upravljanja prirodnim resursima u Bosni i Hercegovini*, kao Univerzitetskog izdanja u otvorenom pristupu. **Publikacija je 26. decembra 2025. godine dobila priznanje Univerziteta u Sarajevu kao publikacija od posebnog naučnog i nacionalnog značaja.**

Publikacija *Procjena stanja prirode i upravljanja prirodnim resursima u Bosni i Hercegovini* zasniva se na principima i metodologiji koje razvija Međuvladina platforma za biodiverzitet i usluge ekosistema (IPBES). U skladu s IPBES pristupom, procjena ne počiva primarno na generiranju novih podataka, već na sistematskoj sintezi i analizi postojećih naučnih, stručnih i tzv. „sivih“ izvora, uključujući i lokalna i tradicionalna znanja o biodiverzitetu. U njoj izradi učestvovalo je više od 100 stručnjaka iz različitih naučnih oblasti, koji su, slijedeći metodološki okvir IPBES-a, analizirali postojeće podatke, identificirali ključne trendove i nedostatke u znanju, te formuliраli relevantne zaključke. Cilj ove publikacije je pružiti naučno utemeljenu osnovu za donošenje odluka koje se odnose na očuvanje biološke raznolikosti i održivo korištenje ekosistemskih usluga, uzimajući u obzir njihovu ključnu ulogu u ekonomskom razvoju i dobrobiti društva. U Publikaciji se analiziraju međusobni odnosi između prirode i ljudi u prošlosti, sadašnjosti i budućnosti, identificirajući pritiske na ekosisteme, njihove posljedice, kao i potencijalne prekretnice i mogućnosti za održivi razvoj. U kontekstu rastućih globalnih izazova i „trostruke planetarne krize“ *Procjena* naglašava značaj očuvanja biodiverziteta kao temelja za stabilne ekonomske sisteme i kvalitet života. Istovremeno, doprinosi jačanju dijaloga između naučne zajednice i donositelja odluka, ukazujući na potrebu unapređenja institucionalnih kapaciteta, razvoja novih znanja i primjene odgovarajućih alata i politika za efikasno upravljanje prirodnim resursima u Bosni i Hercegovini.

Dr. Amina Nikolajev, u ovoj publikaciji, dala je svoj doprinos kroz izradu **tri poglavlja**:

- Poglavlje 2 „Koristi od prirode i njihov uticaj na kvalitet života ljudi u Bosni i Hercegovini“ – dio pod nazivom *Osiguranje međugeneracijske jednakosti i pravičnost*, u kojem autorica razmatra koncept međugeneracijske pravednosti kao ključnu

dimenziju održivog razvoja, naglašavajući odgovornost sadašnjih generacija u skladu s principima definiranim u okviru Svjetske komisije za okoliš i razvoj i međunarodnim dokumentima. Fokus je dat na uspostavljanje ravnoteže između ekonomskih, društvenih i okolišnih ciljeva, uz isticanje činjenice da prirodni resursi, kao javno dobro, moraju biti korišteni održivo i pravično raspodijeljeni između generacija.

- Poglavlje 4 „Direktni i indirektni pritisci u kontekstu različitih perspektiva kvaliteta života“ - dio pod nazivom *Institucionalni indirektni pritisci* (koautorstvo: Kobajica, S. i Budimlić, M.) u kojem autori analiziraju institucionalne indirektne pritiske na biodiverzitet u Bosni i Hercegovini, s posebnim fokusom na nedostatke pravnog i institucionalnog okvira zaštite prirode. Ukazuju da, uprkos postojanju normativnog okvira, uključujući zakonodavstvo o zaštiti prirode, njegova primjena ostaje ograničena zbog nedovoljno razvijene podzakonske regulative i neefikasne implementacije. Nadalje, razmatraju probleme slabe institucionalne koordinacije, nedostatka specijaliziranih institucija, ograničenih ljudskih kapaciteta te nedovoljne integracije pitanja biodiverziteta u javne politike. Posebno ističu izazove u upravljanju prirodnim resursima koji proizlaze iz netransparentnih procesa odlučivanja i hroničnog nedostatka finansijskih sredstava, što dodatno otežava efikasnu zaštitu i očuvanje prirode.
- Poglavlje 6 „Opcije upravljanja i institucionalni aranžmani za donošenje odluka“ - dio pod nazivom *Okvir za održivo upravljanje prirodom i koristima od prirode u BiH*, u sljedećim podnaslovima:
 - *Implementacija obavezujućih međunarodnih sporazuma za očuvanje i održivu upotrebu biodiverziteta i koristi od prirode u BiH* (koautorstvo: Đurić, G.; Raković Serdar, T.) u kojem autorice razmatraju odnos Bosne i Hercegovine prema međunarodnim obavezama u oblasti zaštite biodiverziteta, ističući da je država pristupila brojnim sporazumima koji se odnose na očuvanje vrsta i ekosistema, ali ne i onima koji se odnose na genetičku raznolikost. Analiza pokazuje da su relevantne obaveze integrirane u Nacionalnu strategiju i akcioni plan za biodiverzitet (NBSAP), čiju implementaciju provode institucije na entitetskom i nivou Brčko distrikta, što dodatno usložnjava ostvarivanje postavljenih ciljeva. Autorice naglašavaju da spor napredak u globalnim ciljevima ukazuje na potrebu jačanja i konsolidacije institucionalnih kapaciteta.

Kao ključni pravac unapređenja ističu usklađivanje domaćeg zakonodavstva sa pravnom stečevinom Evropske unije, uz dosljednu i efikasnu primjenu propisa u praksi.

- *Pravni i institucionalni okvir za očuvanje i održivu upotrebu biodiverziteta u BiH* (Pravni okvir koautorstvo: Đurić, G. i Institucionalni okvir koautorstvo: Đurić, G.; Kalamujić Stroil, B.; Marić, B.) kroz koje autori analiziraju usklađenost pravnog okvira Bosne i Hercegovine s pravnom stečevinom Evropske unije, pri čemu ukazuju da je horizontalno zakonodavstvo tek djelimično harmonizirano s EU standardima. Naglašavaju potrebu za sveobuhvatnim reformama usmjerenim ka potpunom usklađivanju, uključujući usvajanje nedostajućih provedbenih propisa te jačanje integralnog pristupa očuvanju prirodnih staništa. Poseban fokus stavljaju na neusklađenost propisa između različitih administrativnih nivoa i sektora, kao i na nedovoljnu harmonizaciju zakona o zaštiti prirode i okoliša, uz isticanje nedostatka efikasne koordinacije u procesu njihovog unapređenja, što otežava dosljednu primjenu pravnog okvira. Istovremeno, autori analiziraju institucionalni okvir za očuvanje i održivu upotrebu biološke raznolikosti u Bosni i Hercegovini, naglašavajući njegovu složenost i višeslojnu administrativnu strukturu. Iako su institucije u oblasti zaštite prirode uspostavljene u skladu s ustavnom podjelom nadležnosti, prisutna je izražena fragmentiranost, posebno u Federaciji BiH, gdje kantoni imaju neujednačene institucionalne kapacitete. Ukazuje se i na ograničenja u nadležnostima institucija, koje često nisu uključene u upravljanje aspektima „koristi od prirode“, čime se sužava obuhvat zaštite biodiverziteta. Dodatno se naglašavaju nedovoljna kadrovska osposobljenost institucija, oslonjenost nevladinih organizacija na međunarodnu finansijsku podršku, kao i nedostatan finansiranje bazičnih istraživanja i otežan pristup međunarodnim fondovima, što u cjelini ograničava razvoj znanja i efikasno upravljanje biodiverzitetom.
- *Okolinska/ekološka dozvola i procjena uticaja na okoliš/životnu sredinu* (koautorstvo: Lemeš, S.; Kobajica, S.; Brajić, A.) gdje autori analiziraju instrumente i institucionalne prakse zaštite okoliša u Bosni i Hercegovini, pri čemu ukazuju na nedovoljnu transparentnost postupka izdavanja okolinskih dozvola. Pored fragmentiranosti sistema izdavanja dozvola, odvojenog

izdvajanja dozvola za zagađivanje zraka, tla i voda, prisutna je nedovoljna koordiniranost inspeksijskog nadzora, što umanjuje njegovu efikasnost. Također, autori naglašavaju da se, bez obzira na normativnu uređenost postupka procjene utjecaja na okoliš, u praksi ne osigurava zadovoljavajući nivo zaštite biološke raznolikosti.

- *Ekološke mreže* (koautorstvo: Šobot, A.; Hukić, L.) u kojem autori analiziraju stanje uspostave ekoloških mreža u Bosni i Hercegovini, ističući da je ovaj koncept nedovoljno poznat u stručnoj i naučnoj javnosti, te da bez obzira na proveden projekt identifikacije EU vrsta i staništa i postojanje odgovarajućeg zakonskog osnova, ekološke mreže u entitetima i Brčko distriktu i dalje nisu uspostavljene. Posebno je naglašena nedovoljna razvijenost institucionalnih i tehničkih kapaciteta za njihovo uspostavljanje, kao i za provođenje mjera očuvanja i oporavka, što predstavlja značajno ograničenje u efikasnoj zaštiti biodiverziteta.
- *Participatorni proces - učešće javnosti u donošenju odluka, transparentnost u provođenju odluka i socijalna pravda* (koautorstvo: Lemeš, S.; Bajramović, Z.; Dragomirović, A.; Pešević, D.), podnaslov kroz koji autori analiziraju ulogu nevladinog sektora u zaštiti okoliša u Bosni i Hercegovini kao važnog korektiva institucionalnim odlukama, posebno u slučajevima spornih infrastrukturnih zahvata u prirodu. Autori ukazuju da je u pogleda pristupa informacijama i učešću javnosti ostvaren ograničen napredak, ali da su aspekti ostvarenja socijalne pravde i dalje na nezadovoljavajućem nivou. Naglašen je napredak partnerske saradnje između nevladinih organizacija i institucija, posebno kroz njihovo uključivanje u izradu strateških dokumenata, zakona i podzakonskih akata, čime se potvrđuje njihov rastući, ali još uvijek nedovoljno razvijen doprinos upravljanju prirodnim resursima.
- *Odnos lokalne zajednice prema biodiverzitetu i koristima od prirode* (koautorstvo: Bajramović, Z.) kroz koji autori ukazuju na ulogu jedinica lokalne samouprave u Bosni i Hercegovini u procesima planiranja, očuvanja i održive upotrebe biodiverziteta, naglašavajući njihov značaj, ali i nedovoljno iskorišten potencijal i potrebu za njihovom većom uključenosti u donošenje i implementaciju mjera zaštite biodiverziteta.

Zaključak – Kandidatkinja je objavila 11 naučnih radova i koautorica tri poglavlja u okviru jedinstvene publikacije *Procjena stanja prirode i upravljanja prirodnim resursima u Bosni i Hercegovini* nastale u okviru međunarodnog istraživačkog projekta. Komisija cijeni da poglavlja predstavljaju naučne doprinose koji po svojoj strukturi i metodološkom pristupu imaju obilježja naučnih radova. Međutim, imajući u vidu da su objavljena kao dijelovi jedinstvene publikacije, njihova vrijednost se ne može u potpunosti izjednačiti sa samostalnim naučnim člancima u referentnim časopisima, već se vrednuju kao kvalitetni i međusobno povezani doprinosi u okviru istog istraživačkog projekta. Shodno navedenom kandidatkinja ispunjava uvjet od minimalno osam naučnih radova u smislu člana 96 Zakona o visokom obrazovanju Kantona Sarajevo („Službene novine Kantona Sarajevo“, broj: 33/17).

4. Originalni stručni uspjeh kao što je projekt, patent ili originalni metod

Kandidatkinja je u svom dosadašnjem profesionalnom angažmanu učestvovala u realizaciji brojnih naučno-istraživačkih, stručnih projekata i studija.

U periodu od 2019. do 2024. godine dr. Amina Nikolajev učestvovala je u međunarodnom projektu *Supporting Decision Making and Building Capacity to Support IPBES through National Ecosystem Assessments (Procjena stanja prirode i upravljanja prirodnim resursima Bosne i Hercegovine)*, u okviru kojeg je učestvovala i u izradi prateće monografije, na poziciji vodeće autorice u multidisciplinarnom autorskom timu. Projekt je implementiran u periodu od 17. oktobra 2019. do 31. decembra 2023. godine, u saradnji Federalnog ministarstva okoliša i turizma, Univerziteta u Sarajevu i Centra za ekologiju i prirodne resurse „Akademik Sulejman Redžić“ i proglašen je projektom od nacionalnog značaja i značaj za Univerziteta u Sarajevu .

Nakon izbora u nastavno-naučno zvanje vanredne profesorice, aktivno je sudjelovala i u drugim naučno-istraživačkim projektima:

- 2025. – Projekt *Podrška dosljednoj primjeni Evropske konvencije o ljudskim pravima i olakšavanje izvršenja presuda Evropskog suda za ljudska prava u Bosni i Hercegovini, Council of Europe, Studijska posjeta Vijeću Evrope i Evropskom sudu za ljudska prava u Strasbourgu*, 18. - 20. novembar, Strasbourg

- 2025. - Projekt Eko-pravda, Edukativni seminar Krivično-pravna zaštita okoliša/životne sredine, UNDP, izlaganje na temu *Razvoj ekološkog prava u Evropskoj uniji*, 12. – 13. novembar, Konjic
- 2025. – Projekt Eko-pravda, Radionica za studente prava o krivično-pravnoj zaštiti okoliša Zaštićeni pejzaž "Bijambare", UNDP, izlaganje na temu *Normativno-institucionalni okvir u BiH*, 6. oktobar
- 2025. – Projekt Eko-pravda, Edukativni seminar za sudije Krivično-pravna zaštita okoliša/životne sredine, UNDP, izlaganje na temu *Razvoj ekološkog prava u Evropskoj uniji*, 25. – 26. septembar, Mostar
- 2025. – Regionalna ljetna škola *Rights, Land, and Limits: Exploring AIP1 of the ECHR in Theory and Practice*, Council of Europe, izlaganje na teme: *Instrumenti okolišnog prava i Mladi u akciji*, te *Vođenje zajedničkog moot court takmičenja* 10. - 11. juli, Trebinje
- 2025. – Projekt *Initiative for Legal Certainty and Efficient Judiciary in Bosnia and Herzegovina*, Council of Europe, obuka *Pravo na obrazovanje prema Evropskoj konvenciji o ljudskim pravima i zaštita životne sredine*, 03. - 04. juli, Trebinje
- 2024. – Projekt *Initiative for Legal Certainty and Efficient Judiciary in Bosnia and Herzegovina*, Council of Europe, Klinika za ljudska prava *On the European Convention on Human Rights*, izlaganja na teme: *Dugotrajni postupci u Bosni i Hercegovini*, *Neizvršenje domaćih presuda u Bosni i Hercegovini*, *Zaštita imovinskih prava u Bosni i Hercegovini – studija slučaja*, te *Vođenje zajedničkog moot court takmičenja između Pravnog fakulteta u Banjoj Luci i Sarajevu*, Pravni fakultet Univerziteta u Sarajevu, novembar - decembar, Sarajevo
- 2024. – Projekt Eko-pravda, Edukativni seminar Krivično-pravna zaštita okoliša/životne sredine, UNDP, izlaganje na temu *Razvoj ekološkog prava u Evropskoj uniji*, 16. – 17. oktobar, Sarajevo
- 2024. – Projekt *Gender Equality Facility*: Izrada vodiča za rodno osviježene politike u sektoru poljoprivrede i ruralnog razvoja, UN Women, februar – mart, Sarajevo
- 2023. – Projekt - Izrada amandmana na Zakon o šumama FBiH, Aarhus centar, februar
- 2023. – Projekt *Gender Equality Facility*: Izrada vodiča za rodno osviježene politike u sektoru klime i okoliša, UN Women, februar – mart, Vodič dostupan na: https://arsbih.gov.ba/wp-content/uploads/2023/08/7_LL-Vodic-Klima-i-okolis-Web.pdf

- 2022. – Škola ekološkog prava, *Evropski zeleni dogovor, Zelena Agenda za zapadni Balkan i izazovi u primeni ekološkog acquis-ja u regionu*, Pravni fakultet Univerziteta u Beogradu, izlaganje na temu *Bosna i Hercegovina i okoliš*, 9. - 11. maj, Beograd
- 2021. - Projekt Priroda i društvo, *Zaštita koliša kroz djelovanje mladih političara/ki*, Mreže progresivnih inicijativa, izlaganje na temu *Bosna i Hercegovina i regionalni instrumenti za zaštitu okoliša*, 20. novembar
- 2021. – Webinar Obuka sudija i tužilaca FBiH i RS *Aarhuska konvencija i pristup pravdi*, OSCE, izlaganje na temu *Od Stockholma do danas – mehanizmi za zaštitu životne sredine*, 7. oktobar, Sarajevo
- 2021. – Projekt Ekološka pravna klinika, Aarhus, koordinatorica projekta i predavačica, oktobar – decembar
- 2021. – Projekt *Initiative for Legal Certainty and Efficient Judiciary in Bosnia and Herzegovina – phase II*, Ljetna škola *Okoliš i ljudska prava*, Council of Europe, predavačica, 4. - 9. juli, Trebinje
- 2021. – Izrada HELP online kursa *Okoliš i ljudska prava Bosna i Hercegovina*, *Human Rights Education for Legal professionals Council of Europe* kurs dostupan na: [Course: Okoliš i ljudska prava | Bosna i Hercegovina 2021 | Council of Europe HELP](#)
- 2020. – Webinar *Osnovi lokalne samouprave*, Konrad Adenauer Stiftung i Pravni fakultet Univerziteta u Sarajevu, izlaganje na temu: *Jedinice lokalne samouprave i ekonomski razvoj*, 16. decembar
- 2020. – Projekt Ekološka pravna klinika, Aarhus, koordinatorica projekta i Predavačica, oktobar – decembar, Sarajevo
- 2020. – *International Summer School: Current Legal Issues in Post-conflict and Transitional Societies*, Pravni fakultet Univerziteta u Sarajevu, Udruženje Pravnika Sarajevo, izlaganje na temu *Environment in Post-conflict Societies – case of Bosnia and Herzegovina*, 2. – 4. septembar, Bancesehir Cyprus University
- 2020. – Webinar COVID-19, *Izazovna vremena: ekonomske funkcija države u vremenu pandemije*, The European Law Students Association ELSA, izlaganje u okviru sesije IV, maj, Sarajevo
- 2020. – Projekt *Initiative for Legal Certainty and Efficient Judiciary in Bosnia and Herzegovina*, Council of Europe, Klinika za ljudska prava on the *European Convention on Human Rights*, Pravni fakultet Univerziteta u Sarajevu, predavačica, oktobar - decembar, Sarajevo

Zaključak – Kandidatkinja ispunjava uvjet vezan za originalni stručni uspjeh kao što je učešće u projektu u smislu člana 96 Zakona o visokom obrazovanju Kantona Sarajevo („Službene novine Kantona Sarajevo“, broj: 33/17).

5. Nastavničke sposobnosti i uspješno mentorstvo najmanje po jednog kandidata za stepen drugog odnosno integrisanog ciklusa studija i trećeg ciklusa studija

Kandidatkinja Dr. Amina Nikolajev izvodi nastavne aktivnosti (predavanja, konsultacije, ispite) na I, II i III ciklusu studija Univerziteta u Sarajevu – Pravni fakultet na predmetima koji pripadaju naučnoj oblasti Pravno-ekonomske nauke, i to:

- Na I ciklusu studija kao odgovorna nastavnica izvodi nastavu na slijedećim predmetima: Ekonomske osnove države i prava (obavezni predmet I semestra), Ekološko pravo (izborni predmet IV semestra);
- Na II ciklusu studija kao odgovorna nastavnica izvodi nastavu na slijedećim predmetima: Ekonomske funkcije države (obavezni predmet I semestra), Pravo na razvoj – izabrane teme (izborni predmet I semestra);
- Na III ciklusu studija:
 - sudjeluje u nastavi Ekonomska analiza prava (obavezni predmet I semestra),
 - kao odgovorna nastavnica izvodi nastavu na slijedećim predmetima: Ekonomska analiza okolišnog prava (izborni predmet II semestra).

Uvidom u Potvrdu o uspješno obavljenim mentorstvima na II ciklusu studija, Komisija konstatuje :

- nakon izbora u zvanje vanredne profesorice kandidatkinja je uspješno ostvarila 33 mentorstva na II ciklusu studija (izrada i odbrana master završnih radova).
- nakon izbora u zvanje vanredne profesorice dr. Amina Nikolajev, imenovana je kao komentorica za dva doktorska kandidata na III ciklusu studija. S obzirom da do momenta prijave na Konkurs za izbor u više akademsko zvanje kandidati nisu završili svoje obaveze, Dr. Amina Nikolajev nije mogla ispuniti uvjet vezan za mentorstvo na III ciklusu studija.

Zaključak

Kandidatkinja ispunjava uvjet vezan za uspješno mentorstvo najmanje jednog kandidata na II ciklusu studija.

Iz objektivnih razloga kandidatkinja nije mogla ispuniti uvjet vezan za mentorstvo na III ciklusu studija te, u skladu sa članom 199 stavovima (1), (2) i (4) Statuta Univerziteta iz 2018. godine, te Uputama o realizaciji izbora u isto ili više akademsko zvanje na Univerzitetu u Sarajevu u skladu sa uslovima propisanim ranijim Zakonom, broj 01-15-29/23 od 27.09.2023., kandidatkinja ispunjava uvjet za izbor u više zvanje kroz ekvivalenciju, odnosno supstituciju navedenog uvjeta objavom tri naučna rada u relevantnim časopisima jer je predala ispis 11 naučnih radova i tri izvotka o koautorstvu, u tri poglavlja publikacije „Procjena stanja prirode i upravljanja prirodnim resursima u Bosni i Hercegovini“.

6. Naučno i stručno usavršavanje

U cilju kontinuiranog naučnog i stručnog usavršavanja kandidatkinja je učestvovala u različitim domaćim i međunarodnim naučnim i stručnim konferencijama i okruglim stolovima, a što je vidljivo iz priložene biografije:

1. Konferencija u okviru PNRR-TNE *International Mobility Programme - Assessing Constitutional Crisis Impact and Security* (IMP-ACCTS) projekta, 04. – 07. Mart 2026., Cagliari
2. Okrugli sto: *Predstavljajanje osnovne studije o zakonodavstvu, politici i sudskoj praksi u oblasti ljudskih prava i zaštite životne sredine u Jugoistočnoj Evropi*, 24. juni 2025., Sarajevo
3. Okrugli sto: *Ekološka ljudska prava – perspektive u Bosni i Hercegovini*, 15. novembar 2024., Sarajevo
4. Međunarodna konferencija *Possibilities and Limits of Competition Law: Global Trends, Regional Perspective*, 03. – 05. oktobar 2024., Osijek
5. Okrugli stol *Primjena prava konkurencije: procesna pitanja* u okviru projekta *Jean Monnet: Centre of Excellence in EU Competition Law 2022 – 2025*, 27. i 28. novembar 2023., Sarajevo, moderatorica

6. XII naučni skup na temu: *Pravne praznine i punoća prava*, Pravni fakultet Univerziteta u Istočnom Sarajevu, izlaganje na temu *Djeca kao faktor ekonomskog razvoja*, 28. oktobar 2023. godine, Pale
7. Okrugli sto *Predstavljanje studije slučajeva povreda ekoloških prava u BiH* u sklopu projekta Eko-pravda, UNDP, 23. oktobar 2023. godine, Sarajevo
8. Okrugli sto *Clean Energy – Challenges of Legal Regulation and Financing*, Pravni fakultet Univerziteta u Sarajevu u suradnji sa University of Stavanger Bussines School, predsjednica Organizacionog odbora i *keynote speaker*, 13. oktobar 2023. godine, Sarajevo
9. Konferencija *Dvadeset pet godina Aarhuske konvencije*, Pravni fakultet Univerziteta u Beogradu u saradnji sa Misijom OEBS-a u Srbiji, , izlaganje na temu: *Izazovi u primjeni Aarhuske konvencije u Bosni i Hercegovini*, 8. maj 2023. godine, Beograd
10. Stručni skup u okviru Jedanaeste Sarajevo UN sedmice međuvjerskog sklada u svijetu (*The 11th Sarajevo UN World Interfaith Harmony Week*) – izlaganje u okviru panela *Financial Policy and Social Justice* na temu *Environmental Challenges and Social Justice*, International Forum Bosnia, 2. februar 2023. godine, Sarajevo
11. XI naučni skup *Pravo između stvaranja i tumačenja*, Pravni fakultet Univerziteta u Istočnom Sarajevu, izlaganje na temu *Očuvanje okoliša kao preduvjet realizacije principa najbolji interes djeteta*, 5. Novembar 2022. godine, Pale
12. Stručni edukativni skup *Izazovi kod primjene Zakona o oduzimanju nezakonito stečene imovine krivičnim djelom Federacije Bosne i Hercegovine i u svrhu prijedloga Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plana za njeno izvršenje*, Federalna agencija za upravljanje oduzetom imovinom u saradnji sa Centrom za edukaciju sudija i tužioca Federacije Bosne i Hercegovine (CEST) i United Nations Office on Drugs and Crime (UNODC), izlaganje na temu *Funkcije državnih organa i efikasnost*, 07. - 10. novembar 2022. godine, Neum
13. Međunarodni kolokvij *Represija, preventiva in nadzorovanje v kaotičnom času kriz*, Inštitut za kriminologiju pri Pravni fakultet u Ljubljani, izlaganje na temu *COVID-19, digitalizacija i efikasnost krivičnog postupka u Bosni i Hercegovini*, 13. septembar 2022., Ljubljana
14. Međunarodni simpozij *Efikasnost kratkotrajnih kazni zatvora*, Inštitut za kriminologiju pri Pravni fakultet u Ljubljani, izlaganje na temu *Primjena osnovnih ekonomskih*

principa u krivičnom pravu – primjer sporazuma o priznanju krivnje, Decembar 2020., Ljubljana

15. Međunarodni simpozij Pravo, ekonomija in kriminaliteta, Inštitut za kriminologijo pri Pravni fakultet u Ljubljani, izlaganje na temu Ekonomski aspekti sporazuma o priznanju krivnje – perspektiva tužitelja u Bosni i Hercegovini, Decembar 2019., Ljubljana
16. Međunarodna konferencija The 8'th Bosnian Herzegovinian, Croatian and Turkish Jurist Days - Alterantive Dispute Resolution, Faculty of Law, University of Sarajevo, April 2019., Sarajevo
17. Međunarodna konferencija (Conference and Contemporary Art Exhibition) Individual's role in protection of the Environment in Conflict Zones, House of Lords, izlaganje na temu Individual's role in protection of the Environment in Bosnia and Herzegovina, Decembar 2018., London
18. Naučno savjetovanje Trendovi i izazovi primjene ekonomskih postulata u krivičnom pravu, Pravni fakultet Univerziteta u Sarajevu, izlaganje na temu Ekonomski instituti u krivičnom pravu, Oktobar 2017., Sarajevo
19. Međunarodna naučna konferencija Izazovi globalizacije, Association of Economists and Managers of the Balkans – UdEkoM Balkan, EMAN, moderatorica panela i izlaganje na temu Pravo na razvoj i čuvanje okoliša, Mart 2017., Ljubljana
20. Međunarodna konferencija The Sixth Bosnian Herzegovinian, Croatian and Turkish Jurist Days - The Legal Framework for Economic Competitiveness, Faculty of Law, University of Zagreb, izlaganje na temu The efficiency of legal norms, income distribution and social welfare, April 2017., Zagreb
21. Međunarodna konferencija The Fifth Bosnian Herzegovinian, Croatian and Turkish Jurist Days, Faculty of Law, University of Sarajevo, izlaganje na temu Economic Approach to Law, April 2016., Sarajevo
22. Regionalna konferencija Guardians – Human Rights of Disabled Persons, Centar za ljudska prava Univerziteta u Sarajevu, 2007., Sarajevo
23. Konferencija Faith and Values in Europe, 1997., Poperinge, Belgija

7. Ostale aktivnosti

Kandidatkinja kontinuirano obavlja i niz drugih odgovornih akademskih, stručnih i administrativnih poslova i zadataka u okviru djelatnosti visokoškolskih institucija, kao i u

okviru organizacijskih struktura Fakulteta, te se njen angažman ogleda u različitim segmentima nastavnog, naučno-istraživačkog i institucionalnog rada. U tom smislu, kandidatkinja je obavljala i obavlja sljedeće poslove i zadatke:

1. Certificirani nacionalni trener Vijeća Evrope za HELP kurs
2. Šefica Katedre pravno-ekonomskih nauka (2018. – 2022. godine)
3. Sekretar Katedre pravno-ekonomskih nauka (2016. – 2018. godine)
4. Članica i Sekretar Redakcijskog Odbora Godišnjaka Pravnog fakulteta (2006. - 2010. godine)
5. Članica više stalnih i *ad hoc* komisijâ na Fakultetu i Univerzitetu:
 - a. komisije za javne nabavke (2016. – 2019.),
 - b. priznavanje inostranih visokoškolskih kvalifikacija (od 2017.),
 - c. upis studenata na III ciklus studija (od 2017.),
 - d. provjeru uvjeta za završetak I ciklusa studija (od 2017.),
 - e. provođenje postupka ekvivalencije položenih ispita (od 2019.),
 - f. disciplinsku odgovornost radnika/ica (zamjenski član, od 2019.),
 - g. Centralne popisne komisije (2020.),
 - h. komisije za razmatranje nacrtâ standarda i normativa za obavljanje djelatnosti visokog obrazovanja (2018.),
 - i. izrada nacrtâ Pravilnika o javnim nabavkama (2018.).
6. Recenzentica više naučnih i stručnih radova u časopisima iz oblasti pravno-ekonomskih nauka / stručna i metodološka evaluacija radova u postupcima anonimne (*peer review*) recenzije

Zaključno mišljenje i prijedlog Komisije

Na objavljeni konkurs za izbor nastavnika_ice u zvanje redovni profesor_ica na naučnu oblast Pravno-ekonomske nauke prijavila se jedna kandidatkinja dr. Amina Nikolajev. Dr. Amina Nikolajev je zaposlena u zvanju vanredne profesorice na Univerzitetu u Sarajevu - Pravnom fakultetu na naučnoj oblasti pravno-ekonomske nauke. Imajući u vidu i sumirajući preliminarne nalaze po pojedinim tačkama Izvještaja Komisija jednoglasno zaključuje da

kandidatkinja dr. Amina Nikolajev **ispunjava uvjete za izbor u akademsko zvanje redovni profesor_ica budući da:**

- **kandidatkinja ima proveden najmanje jedan izborni period u zvanju vanredni profesor_ica** što je vidljivo iz dostavljene dokumentacije: Odluka Senata Univerziteta u Sarajevu broj 01-14-13720 od 24. juna 2020; te Potvrde o izbornom periodu u zvanju vanrednog profesora br. 01-469/26 od 18.03.2026.
- **je kandidatkinja autorica/koautorica 11 naučnih radova objavljenih u priznatim publikacijama, i tri poglavlja u publikaciji od nacionalnog i univerzitetskog značaja** koji po svom nazivu, sadržaju, vrsti i strukturi, a shodno uslovima propisanim u Zakonu o visokom obrazovanju KS i Statutu Univerziteta u Sarajevu, spadaju u užu naučnu oblast pravno-ekonomske nauke;
- **je kandidatkinja objavila dvije knjige,**
- **je kandidatkinja učestvovala u međunarodnim projektima,**
- **je kandidatkinja ostvarila supstituciju/ekvivalenciju mentorstva u izradi doktorske disertacije sa tri naučna članka,**
- **je kandidatkinja u svojstvu mentorice učestvovala u izradi master (završnih radova).**

Dodatno, Komisija nedvojbeno utvrđuje da kandidatkinja dr. Amina Nikolajev posjeduje izuzetno razvijene i kontinuirano potvrđivane nastavničke sposobnosti. Njeno djelovanje u akademskoj zajednici, uključujući angažman u zvanju vanredne profesorice, karakteriše visok stepen profesionalnosti, odgovornosti i posvećenosti unapređenju nastavnog procesa, pri čemu kandidatkinja ne samo da ispunjava, već u značajnoj mjeri nadilazi propisane minimalne uvjete u pogledu naučno-nastavnog angažmana.

Komisija posebno naglašava da kandidatkinja ostvaruje kontinuiran i prepoznat doprinos kroz intenzivnu i sadržajnu međunarodnu saradnju. Njeno aktivno učešće na velikom broju relevantnih međunarodnih i domaćih naučnih konferencija, simpozija i seminara svjedoči o visokom stepenu uključenosti u savremene naučne tokove i o njenoj vidljivosti u akademskoj zajednici. Dodatno, učešće na međunarodnim i domaćim istraživačkim projektima nedvosmisleno potvrđuje njenu sposobnost da teorijska znanja uspješno integrira sa empirijskim istraživanjima i praktičnim aspektima naučnog rada.

Ukupna naučna i stručna referentnost kandidatkinje obuhvata tematska područja koja su ne samo relevantna, već i od posebnog značaja za razvoj naučne oblasti pravno-ekonomskih nauka. Njen istraživački opus odlikuje se jasnoćom fokusa, metodološkom utemeljenošću i

visokom naučnom koherentnošću, čime kandidatkinja potvrđuje status afirmirane i kompetentne naučnice u predmetnoj oblasti.

Polazeći od cjelokupnog profesionalnog angažmana, ostvarenih rezultata i nesporne referentnosti, imajući u vidu prethodne ocjene i analizu ispunjenosti uvjeta za izbor u zvanje redovnog-ne profesora-ice, Komisija je donijela zaključak da kandidatkinja dr. Amina Nikolajev ispunjava zakonom predviđene uvjete za izbor u zvanje redovni_na profesor_ica na naučnoj oblasti pravno-ekonomske nauke, te u tom smislu sa zadovoljstvom Vijeću Univerziteta u Sarajevu - Pravnog fakulteta

p r e d l a ž e

da se vanredna profesorica dr. Amina Nikolajev izabere u zvanje redovne profesorice na naučnu oblast Pravno-ekonomske nauke

Komisija :

prof. dr Kanita Imamović -Čizmić, predsjednica Komisije,

prof. dr Tatjana Jovanić, članica Komisije,

Tatjana Jovanić

prof. dr Jasna Bakšić Muftić, članica Komisije,

Jasna Bakšić Muftić

Sarajevo, 23. 04. 2026.